

REGLAMAINT

pel

Corp da pumpiers Muttler

CUMÜN DA VALSOT



01.01.2015
Revis 17.07.2023

Register

I.	Disposiziuns generalas	3
II.	Organisaziun e lezchas	3
III.	Prescripziuns generalas	4
IV.	Exercizis e servezzans d'acziun	5
V.	Salarisaziun e multas	5
VI.	Taxas da cumpensaziun	6

Reglamaint pel menaschi pumpiers Muttler / Cumün Valsot

Basond sülla ledscha da pumpiers artichel 7, punct 6 relascha la suprastanza cumünala Valsot il seguaint reglamaint.

I. Disposiziuns generalas

Art. 1 / intent

Quist reglamaint regla las lezchas da mincha funcziun, il servezzan d'acziun, il servezzan da prouvas, l'alarmaziun, la salarisaziun e las multas dals pumpiers Muttler.

II. Organisaziun e lezchas

Art. 2 / incumbenzas da la cumischiun da pumpiers

La cumischiun da pumpiers suprastan las seguaintas incumbenzas:

- fixar il nomer da pumpiers activs tenor las indicaziuns da la GVG
- elecziun dals uffizials e graduats
- elavurar propostas a man da la suprastanza cumünala
- articular desdittas e degradaziuns da pumpiers indatats
- preparar il preventiv a man da la suprastanza cumünala
- trattar recuors cunter decisiuns dal cumandant regard la recrutaziun dals pumpiers, la validità da s-chüsas, eui
- l'applicaziun da l'ordinaziun chantunala davart la pulizia da fö

Art. 3 / cumandant da pumpiers

Il cumandant ha las seguaintas incumbenzas:

1. manar il corp da pumpiers tenor las premissas da la GVG
2. organisar e manar il servezzan d'acziun e d'instrucziun
3. avair la survaglianza sur dal personal e sur dal material
4. annunzchar cas da malatia e d'accidaint a la chascha d'agüd da l'associaziun Svizra da pumpiers
5. orientar a la cumischiun da pumpiers davart la gestiun
6. edir ün plan d'exercizis
7. rapreschantar ils pumpiers vers l'exteriur
8. decider davart las s-chüsas
9. rapportar sur dals dons a la direcziun cumünala ed a la sgüranza d'edifizis Grischuna
10. tour part al stab cumünal da catastrofas
11. commember da la cumischiun da pumpiers
12. decider chi chi fa part al corp da pumpiers

Art. 4 / Vicecumandant

El es il rimplazzant dal cumandant.

Art. 5 / uffizials

Als uffizials suottastan seguaintas lezchas:

1. manar lur secziuns

2. far ün plan da lavur pels exercizis importants
3. l'inspecziun dal material da lur secziun davo mincha exercizi e cas da don
4. controlla da funcziun dal material da lur secziun ed equipamaint persunal

Art. 6 / furier

Il furier ha las seguaintas incumbenzas:

1. controllar la preschentscha dal corp da pumpiers
2. la controlla dals exercizis e cas da dons
3. administraziun dal sold e chastis

Art. 7 / administradur da material

El es respunsabel per:

1. la controlla dal material tenor quadern da dovairs
2. inventar annual
3. mantegnimaint dal material da pumpiers
4. controlla da las reparaturas

Art. 8 / graduats

Ils graduats mainan las gruppas da pumpiers.

Art. 9 / persunal da cumün

Il capo bügl obain il capolavuraint ha da s'annunzchar in cas d'incendis pro'l cumandant. Il capo bügl instruischa ils pumpiers davart il provedimaint d'aua in cumün. El annunzcha müdamaints e restricziuns adüna al cumandant da pumpiers.

III. Prescripziuns generalas

Art. 10 / dovair dal cader

Ils commembers dal cader restan in grà e funcziun fin pro la sortida dal corp, fin ch'els vegnan avanzats, licenziats, translocats o degradats.

Art. 11 / scumond

Scumandà es:

1. allontanar ogets sainza cumond dal manader d'acziun
2. bandunar üna lezcha, tut oura in cas urgiant
3. fümar e consümar alcohol d'ürant il servezzan
4. portar l'unifuorma our dal servezzan da pumpiers sainza permiss
5. dovrar material da pumpiers per adöver privat sainza permiss dal cumandant

Art. 12 / masüras disciplinas

Als manaders da secziuns esa permiss pro exercizis o incendis da far ir davent pumpiers chi nu's deportan in segn dal cumandant.

Art. 13 / equipamaint persunal

Mincha persuna es svesa respunsabla pel equipamaint persunal e chüra quel. Sch'inchün banduna il cumün o vain licenzà dal servezzan da pumpiers e'l in oblig da retuornar l'equipamaint in bun stadi e net pro'l administratur da material. Material donnagià o pers sto gnir bunifichà.

Art. 14 / material dal corp

Il material dal corp sto gnir custodi ed esser a disposiziun pel prüm agüd segund ordinaziun dal cumandant.

Art. 15 / età da servezzan

L'età da servezzan vain fixada sün 42 ons.

l'on dal 42avel anniversari esa da prestar servezzan fin als 31 december.

Revisiun parziala da l'art. 15. Cun decisiun dals 30 avrigl 2018 ha la suprastanza fixà l'età da servezzan sün 45 ons. L'on dal 45avel anniversari esa da prestar servezzan fin als 31 december. Quista masüra aintra in vigur in möd retroactiv süls 1. schner 2018.

IV. Exercizis e servezzans d'acziuns

Art. 16 / exercizis

Il servezzan d'exercizis succeda tenor la indicaziuns da la GVG. Il cumandant po tenor bsögn ordinar ulteriurs exercizis.

Art. 17 / dumandar agüd

Schi nu basta in ün cas da don culs agens pumpiers, po il manader d'acziun dumandar ulteriuras forzas d'agüd. L'agüd d'utro esa da licenziar subit cha la situaziun permetta quai.

Art. 18 / prestaziun d'agüd d'utro

Scha oters cumüns dumondan agüd, decida quel cumandant quala squadra e quals urdegns chi ston intervgnir. La prontezza d'intervgnir i'l agen cumün sto restar garantida. Eventualas spaisas vegnan missas in quint al cumün chi ha dumandà agüd.

Art. 19 / manader d'acziun

Sül lö d'acziun cumonda il cumandant o seis substitut. Scha tuots duos sun absaints cumonda il pumpier cul plü ot grà chi riva il prüm sül lö.

V. Salarisaziun e multas

Art. 20 / salaris

Ils commembers dals pumpiers Muttler vegnan pajats per lur actività. La tariffa per ura importa per:

- cas serius, sezzüdas, administradur da material CHF 30.00 l'ura
- lavurs per terz (arrandschamaints, eui.) CHF 30.00 l'ura

Salarisaziun d'exercizi per tuot ils pumpiers listess:

- per las prümas duos prouvas CHF 5.00 l'ura
- per las proschas trais prouvas CHF 15.00 l'ura
- per las ulteriuras prouvas CHF 25.00 l'ura
- prouvas dal cader CHF 30.00 l'ura

Indemisaziun per cuors e dis da perfecziunamaint CHF 220.00 CHF 250.00
(CHF 150.—GVG / CHF 70.00 CHF 100.00 corp da pumpiers)

Pauschallas a l'on

Cumandant da pumpiers	CHF 2'600.00 CHF 4'000.00
Vizecumandant	CHF 800.00 CHF 1'000.00
Ufficial	CHF 400.00 CHF 800.00
Graduà	CHF 300.00 CHF 500.00
Furier	CHF 400.00 CHF 600.00
pumpiers chi portan pagers	CHF 20.00 CHF 50.00

Revisiun parziala da l'art. 20. Cun decisiun dals 17 lügl 2023 ha la suprastanza fixà nouv las pauschallas dals salaris, l'indemnisaziun per cuors e dis da perfecziunamaint e la pauschala per portar pegers. Quist müdamaint aintra in vigor süls 1. schner 2024.

Art. 21 / multas

La partecipaziun ad exercizis e cuors sco eir il servezzan pro alarms ed inspecziuns sun obligatorics.

Absenzas na s-chüsadas dad exercizis, cuors, exercizis d'alarm ed inspecziuns vegnan chastiadadas seguaintamaing:

- per la prüma s-chüsa	CHF 20.00
- per la seguonda s-chüsa	CHF 50.00
- per la terza s-chüsa	CHF 70.00
Deport indisciplinà ed as retrar massa bod d'ün exercizi sainza permiss explicit	CHF 50.00

Pro absenzas na s-chüsadas da 50 % dals exercizis vain inchaschada la taxa da cumpensaziun dal servezzan da pumpiers.

Per ulteriuras spaisas vaglia il reglamaint cumünal.

Art. 22 / s-chüsas

Las s-chüsas sun d'inoltrar in scrit o per internet, motivadas infra 10 dis al furier. Il cumandant decida davart las s-chüsas.

Motivs per s-chüsas sun:

- malatia ed accidaint
- greiva malatia o mortori in famiglia
- militar o servezzan da protecziun civila
- assenza our'd cumün motivada

VI. Taxas da cumpensaziun

Art. 23 / taxas da cumpensaziun

La taxa da cumpensaziun importa:

- | | |
|--|------------|
| - per persunas cun sogiuorn d'utrò d'ürant l'eivna | CHF 200.00 |
| - per persunas cun sogiuorn in cumün | CHF 600.00 |

Art. 24 / entrada in vigur

Quist reglamaint aintra in vigur retroactiv süls 1 schner 2015 davo l'approvaziun da la suprastanza cumünala.


Quist reglamaint es gnü fat bun da la suprastanza cumünala als 11 schner 2016.

Ils reglamaints existents dals pumpiers Muttler vegnan abolits.


Cumün da Valsot



il capo:


Victor Peer
Capo cumünal

l'actuar:


Christian Poo
Manader administraziun